



Tàtari, 27 de Austu de su 2013

Comunicadu 01/2013

LIFE AFTER OIL

Su regista **Massimiliano Mazzotta** bogat a campu un'àteru progetu:

"LIFE AFTER OIL - Sa vida pustis de su petròliu"

Su petròliu est destinadu, intro de pagu tempus, a agabbare: non sunt totus de acordu cando at a capitare, ma est seguru chi at a capitare.

LIFE AFTER OIL at a èssere una setzione noa de su **Sardinia Film Festival 2014**.

Ite semus faghende pro parare fronte a s'era post-petrolifera?

Custa setzione noa de su **Sardinia Film Festival 2014** cheret regòllere sos cuntributo de chie est pessende e traballende in custa prospetiva.

Sa finalidade de su festival est sa de regòllere filmados subra de progetos, esperiènzias e pràticas de alternativa a su petròliu.



LIFE AFTER OIL bolet èsere un'òpera colletiva subra de s'intelligèntzia e sa creatividade umana.

Giradu o montadu in pellicula, eletrònica, analògicu o digitale.

De cale si siat genia: iscenegiados, documentàrios, animatzione 2D o 3D, etc. etc...

Semus chirchende imprendidores chi apant gaii cumintzadu a pessare e a praticare alternativas a su petròliu e chi cherent fàghere una posta in su progetu chi punnat a agiuare sos registas/ativistas e sos imbentores a si pònnere a pessare a formas de alternativas a sos combustibiles fòssiles.

Sa commissione seletzionadora de LIFE AFTER OIL 2014 at a èssere cumposta dae:

Antonio Martino (Produttore)

Caralu Dessi (Direttore Sardinia Film Festival)

Gaetano Capizzi (Direttore de CINEMAMBIENTE Torino)

Massimiliano Mazzotta (Produttore)

Stefania Divertito (Giornalista)

Pitzente Migalettu (Presidente ISDE Mèigos pro s'ambiente, Sardigna)



Unos cantos esemprios de setores chi dipendent dae su petròliu:

- **Trasportos:** veturas, càmios, naes, trenos, aeroplanos, totu sos mèdios de trasportu dipendent, in una manera o in s'àtera, dae su petròliu. Agabbadu cust, adiosu indùstria e cummèrtziu: at a tocàre a nos basare petzi in sa produzione interna o a probe de domo.

- **Bestimenta:** su prus de sas mìgias, mudanadas, botas, pantalosnes, camisas, giubbas, est fatu cun fibras sintèticas o àteros derivados de su petròliu. Non b'at berbghes bastantes e campso de cotone pro bestire 7 milliardos de pessones.

- **Domo:** su 90% de su chi b'at in domo, in ufitziu, in caminu est fatu de plàstica. Non b'at linna bastante o metallu pro fàghere totu; finas sa burrumballa pressada est intostada cun "collas" derivadas dae su petròliu.

- **Eletrizidade e eletrònica:** dae sa bàina de sos filos elètricos a totu sas cumponentes de sos aparatos elètricos e eletrònicos sunt fatos de plàstica. Sena petròliu, adiosu eletrizidade, adiosu eletrodomèsticos, adiosu frigoriferos, adiosu elaboradores, adiosu televisione e ràdiu...

- **Mecànica:** bàinas e guarnitziones, ògiu, cumponentes, cuntenidores, finas in sa mecànica su prus de sos ogetos e de sos trastes derivat dae su petròliu.

- **Sa vida at a èssere rànichida:** sos addurcantes chi costant prus pagu de su tzùcaru sunt totus derivados chìmicos dae su petròliu; su tzùcaru at a èssere cosa de ricos.

- **Adiosu colores:** totu sas tintas e colores los produint dae su petròliu.



- **Adiosu igiene:** deterivos, sabones, produtos pro sa pulisia, sos profumos, sos deodorantes, etc. sunt totus, francu produtos raros e pretziosos, derivados dae su petròliu.

- **Adiosu salute:** su 99% de sas meighinas la produint chimicamente dae su petròliu comente s'insulina pro diabèticos, sas meighinas sarvavida, sas meighinas antitumorales e sos antibiòticos. Su chi nos abbenenat est finas su chi nos curat.

- **Adiosu a sa massaria:** non prus tratores, non prus diserbantes, non prus anticritogàmicos, non prus fertilizantes; non b'at produtos naturales bastantes pro totu custu: cantu ledàmene bi diat bòlere in càmbiu de sos fertilizantes chìmicos impreados a dies de oe?

- **Adiosu a su màndigu "bonu":** sena petròliu non b'at prus frigoriferos, cunservantes, tratamentos pro sarvare sos alimentos in sas trà mudas longas.

- **Adiosu finas a sas armas:** sos esplosivos sunt derivados totus dae su petròliu.

INFO:

Massimiliano Mazzotta 3494485483 (Responsabile LIFE AFTER OIL)

liferafteroil@sardiniafilmfestival.it

Su presidente de su Cineclub de Tàtari

(Carlo Dessì)